



Na osnovu člana 61. stav (2) Zakona o upravi ("Službeni glasnik BiH", broj 32/02, 102/09 i 72/17) i člana 5. stav (2), Zakona o zaštiti osoba koje prijavljuju korupciju u institucijama Bosne i Hercegovine („Službeni glasnik BiH”, broj: 100/13) ministar sigurnosti Bosne i Hercegovine d o n o s i:

P R A V I L N I K

o izmjenama i dopunama Pravilnika o internom prijavljivanju korupcije i zaštiti osoba koje prijave korupciju u Ministarstvu sigurnosti Bosne i Hercegovine

Član 1.

U Pravilniku o izmjenama i dopunama Pravilnika o internom prijavljivanju korupcije i zaštiti osoba koje prijave korupciju u Ministarstvu sigurnosti Bosne i Hercegovine, broj: 13-02-2-2292-6/14 od 05.05.2014. godine, član 3. mijenja se i glasi:

„Član 3.

(Nadležno tijelo za razmatranje prijave)

- (1) Za prijem, evidenciju i postupanje sa prijavama korupcije i uočenim nepravilnostima nadležan je Inspektorat Ministarstva (u daljem tekstu: Inspektorat).
- (2) Interno prijavljivanje korupcije i drugih nepravilnosti vrši se na način da se interna prijava podnosi Inspektoratu.
- (3) Izuzetno od stava (2) ovog člana, prijava korupcije i drugih nepravilnosti podnesena nadređenoj osobi, će od strane nadređene osobe, u vidu službene zabilješke, biti hitno dostavljena Inspektoratu.
- (4) Interno prijavljivanje korupcije i drugih nepravilnosti protiv Glavnog inspektora i stručnih savjetnika - inspektora Inspektorata Ministarstva, vrši se na način da se interna prijava podnosi lično Ministru sigurnosti. “

Član 2.

U cijelom ostalom tekstu Pravilnika o internom prijavljivanju korupcije i zaštiti osoba koje prijave korupciju u Ministarstvu sigurnosti Bosne i Hercegovine, riječi: „Komisija“, u različitim padežima, zamjenjuje se riječima: „Inspektorat“, u odgovarajućim padežima.

Član 3.

(Stupanje na snagu)

Ovaj Pravilnik stupa na snagu danom donošenja.

Broj: 13-02-2-2292-6- /14
Sarajevo, 23. 1. 2019. godine

